

四庫全書

集部

欽定四庫全書

集部
畏齋集卷一

詳校官中書臣徐志晉

侍讀臣孫球覆勘

謄錄貢生臣郭墉

欽定四庫全書

集部五

提要

畏齋集六卷

別集類四元

臣等謹案畏齋集六卷元程端禮撰端禮有讀書分年日程已著錄其詩文名畏齋集見于黃潛所作墓誌而不著卷數諸家書目亦多不載故世久無傳惟散見永樂大典中者尚得詩文百餘篇謹依類編次釐為六卷其

學以朱子為宗故作孫叔會詩集序云詩至
七言而衰律而壞詞而絕自朱子出而古詩
遺意復見蓋朱子之學不在乎詩故其作有
自然之妙諷詠勸懲之實又送牟景陽序云
蜀文再變於魏了翁了翁學程朱學故未嘗
有意為文人之文而文特妙其全集宗旨不
出於是夫朱子為講學之宗誠無異議至於
文章一道則源流正變其說甚長必以晦菴

一集律天下萬世而詩如李杜文如韓歐均
斤之以衰且壞此一家之私言非千古之通
論也然端學所作尚皆明白淳實不骫于正
而其持論亦足以矯淫哇艷冶之弊於文章
尚不為無功故糾其膠固之失而仍裒緝其
佚篇脩一格焉乾隆四十六年九月恭校上

總纂官

臣紀昀

臣陸錫熊

臣孫士毅

總校官

臣陸

費

輝

欽定四庫全書

畏齋集卷一

元 程端禮 撰

五言古詩

古意

東林有棲鳥中夜棲復起
磔磔繞樹飛悲鳴不能已
羈孤寡儔匹枝寒不可止
幽人發寤歎起步東軒址
大鵬飛南溟搏風九萬里
斥鷃無所適翱翔蓬蒿裏
為大既云樂小者亦自喜
爾於衆鳥中栖栖迺如此

南山有佳木枝葉何蕤蕤客問此何木云是杞與梓問
種此何為棟梁專所擬問種幾何時百年殆不止客子
嘆以愀吾謀豈及此春種秋已穫口腹且不理人生不
可期百年詎能俟

儀鳳何濟濟栖息在梧竹置之鷄鶩羣肯與同飲啄所
性自不同匪因事乖激從茲鳴高岡銜圖集帝側

次史耕野借書韻

掩關臥空齋寡德嗟無鄰坐令日月易見茲夏木新俯

仰閱今古孰能返其淳有疑未云祛就正之所親譬車
適千里曠焉迷路津聞君忽叩門起迎正冠巾議論一
超越諒非今世人遺我金玉章把玩良足珍言欲假詩
書討論意彌勤為君出所藏不辭筐篋貧儻足為君益
敢厭來往頻

雪野齋

混沌昔云判高下散衆殊山川互阻深道路饒崎嶇滕
六若有意補塞歸模糊誰知甚險艱行客多迷塗何如

萬原野坦坦皆康衢常時人素履此日心亦孚平平展
天鏡蕩蕩開玉壺招搖踏廣寒汗漫遊清虛元翁心地
明直與此境俱融作一片玉皓皓歸太初

酬張荷屋惠酒之作

春風被草木華色一以妍散策登崇巘泛舟遡晴川悠
悠憺忘歸孤嘯激雲天嗟無同懷侶俾我心悁悁美人
在山阿貞操松栢堅攝衣往扣門一見情依然壺觴遠
見贈侑以金玉篇酒貽意不薄詩敘別經年惜哉不可

留整飾吾言旋短章聊為報中懷詎能宣

送人遊越

會稽揚州鎮名實著典籍禹昔巡九土於焉會羣辟澄
湖三百里寒光湛空碧郊關連崇山巔巔類天劃古來
磊落士多此託棲息王謝有子孫風流猶未革欲遊無
方舟魂夢勞宿昔今君挂江帆迤邐詣幽蹟上探神禹
穴下訪王謝迹茲特江南奇氣象猶迫近更為嵩華遊
馳車陵谷客嗟我足如絀坐使歲月易

寄內

去年汝歸時汝父扶汝興今年汝歸時哭父攀靈輿豈
期一年別罹此憂患俱人生不可保甚矣夢幻如汝哭
固有感汝行良可吁汝有堂上母亦復雪滿顱既無門
楣喜生汝將何如幸汝有佳弟可樹先人廬汝弟昔在
雛今皆父而鬚豈不念老母為奉千金軀天寒山日短
雨雪滂在途作詩為寄汝慎勿笑我迂詩成落清淚梅
月來庭除

呈信州路宣差

聖代仁配天生賢亦忠厚公任承宣寄一麾此出守魏
魏靈山高千里祥雲覆澤物寂無言但見禾黍茂沄沄
玉溪水流長深且瀏魚不識數畧自樂免驚透公政亦
如此實德民父母小民雖蚩蚩口碑心自鏤行看入秉
鈞八荒納仁壽賤子生四明才疏學尤陋稼軒守藏書
豈憚遠奔走久懷仰德心未得遂良覲再進書戰前不
覺成宿留

病起有懷吳德堅時教授鄰鄉不歸二詩寄之
抱琴適南澗澗水流濺濺上有修竹林天風韻泠然我
欲寫其聲竟日不能絃野老渡澗來牽牛飲我前自云
作勞苦竟藉草石眠問我此何為聒聒不暫捐鍾期無
復生伯牙空自憐此人聽以耳誰能聽以天君不如二
子不如抱琴還再拜謝野老歸哉樂忘年

日日倚高樓遙望西溪山山深草樹長煙雲何綿蠻中
有千歲松修柯出雲間鳳凰翔其巔好鳥鳴喧喧仙人

紫霞裒招我碧玉環
浩歌激林谷玉貌安
且閒問之不
我言無乃吳彩鸞
褰裳欲從之山險
道路艱默坐自嘆
息歲晏彫朱顏

桐廬舟中奉寄宋推官仲翔兼柬余知事伯貞
換舟桐廬驛寒雨
泝清曉微茫煙樹
來眩轉沙洲繞危
臺倚石壁釣者跡
已杳念我平生歡
語斷意未了方提
文章印遽隔霄漢
表前日過逋仙穿
梅度林篠壁間見
妙墨勢若蛇蛟矯
高詞接黃九幽夢
到蘇小邇來定多

事無復親魚鳥空餘折獄心
攻苦如食蓼樓臺闕城邑
欲往路深渺為語幕中賢
相將遊鳳沼

用韓退之出宰山水縣之句為韻賦五首呈東

巖王明府

巍巍東魯山巖岬何萃萃
豈徒興雲雨生賢為時出
粵自產尼聖秀氣久蟠鬱
後有石與孫正學相紹述
雖云位未充奸邪困揮叱
聖經剔蕪穢冥晦揭日月
茲氣今在公已久著名實
貞操百鍊剛况復輔經術
民親澤易

及志行身豈屈願公崇德業屹與茲山匹

諺云六十年茲邑得賢宰前宰子施子為政實樂豈事
有利田里嗜若嘬脯醢于時值歲荒老稚恃無餒境內
盜莫侵畏罰當刑罪遺愛在人心歷歲久逾在公來適
庚子慰此小民待渠渠護良善有若植蘭茝除惡絕本
根豈復顧怨慙茲心實昭明皎皎冰雪皦前施後有公
名聲兩蟲豸所恨事掣肘每使公心痠公處施子時未
必功不倍彈琴不下堂戴星不得怠為勢有難易才豈

云弗逮所同在邑治如水畢赴海他時繼者誰諺語當不改

凱之宰山陰山陰萬山環邑事號繁劇治者稱獨艱凱之御以約簾垂清晝閒邑事既云理復得玩羣山建平事豈簡公能息囂碩南山極雄秀大巖聳雲鬟驅馬詣幽宵杖屨窮躋攀掇此山上茶舉瓢酌潺湲能賦復能畫日落猶忘還風煙遭攔撓披豁呈天慳豈讓顧虎頭三絕專人間

郎水出桐汭西流百餘里臨流構新亭公日觀此水公
呼父老言茲可喻政理風恬水鏡淨清澈湛無滓明可
燭鬚眉一一見涯涘汲者纓可濯濟者舟可艤積雨混
濁流橫溢若奔駛牛馬暗莫睹蛟鰐森利齒豈徒濟者
危隄障將圯毀父老再拜言公念幸及此此水濁日多
清日苦無幾流清難自全濁者日彌彌公來水既清公
去復前似公有一寸膠慎勿寶諸已當往治河源餘波
俾霑被公謝父老言吾敢息以止悟彼滄浪歌仲尼識

孺子

賤子家浙東承晤此山縣無術裨道化空忝文學掾人
生恨無位有志不得薦矧茲萬家邑公實司溺援素抱
匡濟才小試詎云倦馭吏若束薪曾不得輟轉鯨鯢牙
角利赤手欲拔刺于公任獄吏子孫尚昌衍所積公已
多百福報所先世儒謾讀書謬云破萬卷臨事輒袖手
瞠若正牆面遂使真儒效曠世不常見作詩激庸懦匪
同事誇街

同知鄭公禱雨得雨禱晴得晴

鄭侯守建業惟飲建業水飢羸苦未蘇夙夜勤政理秉
德哲而肅所格無遠邇秋旱禱鍾山回車雨隨至雨多
侯復禱即日為開霽遂成大冇年萬家高露積實德為
侯心心動應茲氣無心鍾山雲敷斂惟侯意鍾山且無
功社鬼何所致

送周德可錄廣德學

我別三峯來復得靈山秀君拋靈山去三峯將爾觀靜

示萬古青仁體而效壽寸雲雨千里百穀膏以茂學山
我未能倚席成宿留君學究體用矧出元公曾講道三
峯下三峯列憲牖教雨娘三峯千里資善誘

菖蒲

鱗鱗菖蒲根蜿蜒類虬龍兒童競採掇泛此新酒釀共
言飲此酒可冀延年功座客笑而言求效何匆匆服此
不終日乃欲希韓終我謂客勿言萬事莫不同用力未
期月謂道真難窮遂使羣聖言竟為紙上空世無子董

子孰為開愚蒙客但當飲酒何庸責兒童

題有之得潘季通畫寄惠梅卷後

故人在天末相思江梅發攀條遠持贈貞心庶云託猶
恐歲寒姿亦復有零落寫此歸囊楮用慰遙相憶勿云
粉墨假百年不改色

庚午四月一日小飲光霽子實仲容有作次韻

春暎欣雨集復惜年光流園林入深宵風日尚妍柔繁
華變清樾棲逕餘香流戢戢階下笋直節見萌勾而我

得佳友攜手此尋幽華構既空曠崇墉亦遭周瓶罌混
清濁雉膏續暇脩思與晴雲飛論若獨繭抽嘉樹影自
移好鳥聲相酬人事諒多感天遊本非謀未易輕虞卿
著書守窮愁

題宋鉉翁詩卷

宋侯北庭彥令聞如珪璋學海究源委宦途起翺翔集
烏贊朱博理輪佐張綱疾惡惟務去視民乃如傷飢羸
困水旱咨詢極精詳王成難偽戶汲黯先開倉實惠既

下雷英聲宜遠揚簡書暫風憲劍佩趨明光食檠善自
愛寶此百鍊剛

題菊逸手卷

英英江梅芳粲粲籬菊鮮梅清未為逸風占花信先雖
避桃李俗後為棟所牽李秋百卉歇霜下菊芳妍貞姿
傲歲晚獨以節自全所以陶處士愛之見詩篇八表同
昏時醉石供高眠飢却道濟米不書義熙年逸氣振古
稀人花無間然誰與散人裔菊逸扁其軒

送孟後村赴臨海任

嘗聞興公賦永懷天台勝故人美無度官協遊山興桃花遡溪源杖藜躡雲磴相期何處好石橋共清凭

讀程雲心文集

長夜耿無寐起讀程子編涼飈入庭竹一笑當我前清角致風雨此語非虛傳鯨魚與翡翠未用分姪妍咸池張洞庭蕩默本自然聽者得其外懼急惑遽遷感歎在一牀月落西南天

己卯長至前二日同景陽侯遊鵝湖次呂海月

韻二首

鵝峯高入雲上下異晴雨嘉樹鬱千章六月不知暑堂
堂紫陽翁講道此容與斯文統有宗異論廓寰宇遂增
茲山高巍巍亘終古裏糧訪遺跡豈為尋佳塢

茲來遊招提霜葉響風雨藏新碑已漫坐閱幾寒暑南
豐星斗文論正乃不與紫陽講道地教異去吾宇所習
有出入吾道無今古徘徊不能去夕陽下山塢

上巳陪東巖赤山蘭泉脩禊分韻

袞襖記佳節浴此蘭泉清芳漬不待掇水止元無聲悟
悅竟忘言一振華裾輕采真孰為妄至樂無達生

代上高副使二首

大鵬飛南溟振翮萬里至天馬馭長道燕越一頓轡斤
鷄與鶩駘側目不敢視我謂爾勿憂爾亦勿自棄天既
與爾足亦傳爾兩翅豈使長棲止終不履尺地二物聽
我言若有矜奮意欲走苦不進欲飛還自墜願假東南

風秣以玉山穗

嶰谷有奇竹生彼深林幽伶倫遠見取遂中律呂求
埋豐城土桐為爨人收有聲響人耳有光干斗牛世謂
雷蔡賢已非伶倫儔韞櫝終老死銜鬻遍九州白璧固
不乏燕石價亦酬所以卞和氏不辭刖足憂

党氏貞節詩

松柏當盛夏蔚蔚淪等夷霜雪摧抑餘挺然表奇姿婦
人主中饋無非亦無儀溫溫柔實其德父母戒無違吁嗟

貞節名不幸乃見之党氏嫁七年夫死少艾時生兒在襁抱呱呱且啼飢當年罹閔凶晚節疇能知立志一以定世故寧或隨期願見豐腴曾元列斑衣誰謂不幸中報効如著龜聲譽溢閭閻餘風淑澆漓寄言後來者悠久以為期

送劉公佐御史任西臺都事

偉哉造物心生賢端為國欲知國家盛臣輔視其德憲憲子劉子器大實天得昔年輟道山持憲出南紀柔剛

迭用中德威真畏喜誠為器之鐵春得明道體古人久
不作此道已如洗我生若恨晚猶喜及見此安得如公
百參錯俾視履

至正癸未春紹興總管兼善達公以禮幣招行
鄉飲回至七里灘舟中同陳君王叔載鄭以道
孫子材姪季武王敬中取山谷詩一江明月起
漁船之句為韻得一字

禮成發會稽主送賓筵秩雪晴宿靄收諸峯春筍出舟

下七里灘帆張如箭疾圓月正高懸極目天水一柔櫓
和款乃淨練破蕩潏真同泛剡情不羨乘槎術共載得
才彥劇談夜連日史冊三千年毫釐窮得失飲江酌北
斗浩氣逾崑崙律茲遊不可忘後會那能必

題越費氏飛流亭

久愛越山勝晨喜春雪晴行訪香爐峯得憩飛流亭始
知危石煉不補銀河傾長夏炎暑却終古風來驚高原
東岩險奇觀類天成賦詠鬪雄辭窮搜雕元精水下比

性善孟氏論已明志士達忠孝處難節乃名不見鏡湖
水萬頃平無聲

利劍一首贈人

利劍出寶匣耿耿耀冰雪持入衛九重一指妖氛豁坐
令海宇內奸邪不敢發願君勿小用鋒鏑亦易折

題直齋陳氏詩卷

鈎弦衆所職無庸事窮稽吾黨子證父微生鄰乞醯聖
或有不許始得窺端倪中山陳氏子齋扁以直題君看

岡上杉挺節青雲齊蔓草施中野屈曲蔽終低惟人生
本直不直逐物迷今愚詐絞訐異若穀與稊儻非敬義
立詎免趨傍蹊

送婁所性赴鄉試

退之昔未遇光範書三上明復早為貧睢陽幾來往天
固使不售學術要開廣婁君識既高理義得所養真腴
在方冊大烹乃獨享春秋發其微一一如指掌文章爛
五緯色正奪萬象連歲滯金淵壘洗混盆盎畜極今乃

通餘子何能做

壬戌二月廿九日與王良夫伯仲飲酒梨花之下約次山谷韻各賦一首

世人品梨花為說何拘拘謂脫桃李繁未比寒梅疎豈知幻雪夜夜見蠅頭書室虛白逾生不厭相與娛朝遊姑射巔夕宴瑤池墟肌輕既飄飄襟清亦舒舒白石以為糧玉芝以為蔬高照倒影燭滿斟上池壺坐有王方平獨識我為徒

送程仲章

得體期大用薦不辱吾筆濟美世有人憲府流聲實書
馳中臺辟傳乘入門驛聖世開太和治純用儒術賢路
久已開禮羅亦云密才難自昔然拔十期得一君學明
體用禮法嚴自律願言尊所聞使不虛此出會見真儒
效果杲如皦日

送吳景賢

憶我初識君邂逅錢塘樓文妍六橋水氣凌兩峯秋平

生易賈董不數枚與鄒別去餘十年掾吏來昇州執戟
滯揚子蕭生抱關留但聞百事理不見有悔尤玉雪不
磷縑塵外自浮遊果充崇臺貢千一乃為收清高贊憲
府濟物心乃酬苗秀審芟殖寬洗澤乃流酌泉本素履
名節光前修他年早拂衣相期釣滄洲

送魯子亨

魯君宦武昌舟發建鄴時朋友並集送所贈惟苦辭謂
當戒食魚飲水操勿移伐木道久缺我幸今見茲君為

時所賢徵辟書交馳名實久已昭義利分毫釐飲水云
不貪世不皆隱之嗜魚云不廉胡乃有公儀何擇水與
魚但問宜不宜君家魚頭公市飲不自欺當年在政府
骨鯁生益知弟用君家法我言何能裨溉金試烹魚定
知不磷緇

送戴與善

客有戴與善家世今移居讀書不求官富貴浮雲如愛
山事遠遊衡岳至匡廬會稽探禹穴著論準潛夫平生

景純術異人授異書擇地必與善葬法為世撫地善子
生善始悟胎教疎食我既生後聖子詎移愚天命性既
善地善配有餘使我此術行善人滿八區今年來鉛山
為我言渠渠子行會有過去去無停車

贈孫友仁

舟發甬水東遙望青山岑白雲既杳靄佳木亦蕭森下
有寒棲士絀絃鳴清琴調古知音稀自聽還自吟飢食
北山薇渴飲寒潭深持此永終日世塵詎能侵願言往

從之庶以慰我心

孫子隱泰山程子洛水涯山水得二子草木生華滋山
水無終極二子名永垂斯人雖已遠踵武可尋追我學
苦蕪廢君操我所竒君居青山麓我居南水湄無令千
載後泯滅無聞知

用韋蘇州韻送酒問彥實病

風竹掃三逕終日無來客我友隔南浦無錢供藥石聊
寄一尊酒慰此風雨夕何日能過門莓苔生履迹

范得甫往昌國因寄馬雲北

汨汨鄞江流赴海無時息我友滄海去遠訪安期迹東
望久延佇煙波渺無極憑君一問訊早掛歸船席

送陳錄事

今代錄事官乃與令長同矧有會府壓更臨宣司崇兩
造互請托黑白翻覆中常患制其肘聽斷難為工耐軒
太丘後民瘼實所恫平易以近民下情悉上通不求赫
赫名保障以為功驚雷易失匕我心益從容所以豈弟

政三年全始終耄倪遠走送遺愛思無窮

代諸生壽王豈岩

春月勝秋月三五初端正羣芳正含滋春陽尚冲靜人
生稟茲氣清淨以為性豈但富文史曾襟如玉瑩長松
從澗底考槃發歌咏且盡一觴酒好月還如鏡

晨興望鍾山層巒鬱深秀色留萬古青其體仁以壽寸
雲雨千里禾黍膏以茂下有高隱士絃歌在巖竇學山
期至山豈必雲出岫舉觴且勿辭鍾山以為壽

蘇子鐵拄杖以壽張樂全倚杖撫銅狄謂與同清堅鐵
杖豈為壽銷蝕同飛煙壽公無一物多祝亦空言公心
在精舍不息如流川斯文天所相公壽無窮年

安石恐不免淵明恨枯槁貧賤固難居富貴亦何好所
以賢達士委命不離道羨公富學殖深藏以為寶退得
資素封進無危機惱堂上奉兼珍客至尊為倒教子無
他事絃誦夜連曉觴舉勿復辭樂事如公少

猗猗堂前竹挺挺萬夫特直節干雲霄清氣冰雪積虛

心類謙受歲寒不改色此君一何茂一一公所植堂上
媚學子弦誦朝連夕切磋咏淇澳君子會林立公心在
精舍見竹如公覲持酒起為壽何以酬盛德

出門觀秦淮巨浸流洋洋盈盈晴空月墮此清夜光月
遲自沉壁水駛拖練長並行不相悖道體一以彰門內
齋居子習靜萬慮忘持此為公壽中有長生方

粵從晉魏來嘉節尚重九愛此日月應世謂宜長久初
度迫茲辰上壽宜公有今年兩九月九九分前後此名

嘉復嘉瑞應端非偶去年八十一九九公已受今年八
十二後九方為首備福無不宜儘可笑開口今年兩開
筵痛飲黃花酒壽百六十二養老詢黃耆

七言古詩

長歌行

大族

簇漢書
作族

之瑄初飛灰春氣早已回蘭梅主人召客

延鄒枚夜永燭光熹炎灸瑤觴屢舉傾金罍主人盛年
絕外猜幸與公隣熟往來我性迂俗衆所哈公獨顧我

青眼開我不祝公壽考
鮐我不祝公家系萬金位三台
願公祖德厚自培君不見王氏庭前符三槐

題臨川李教授盤居圖

出山小草且勿論
志回白日窮追奔
燃犀徒興牛渚怪
投膠不救黃河渾
盤谷自謀固得宜
難則可許仁未知
盤居先生顏是希
盤桓居貞以隨時
必宮盤中亦已非
抱關擊柝皆可為
君不見江南丞相久
無宅安上門監

亦有祠

金陵清涼寺尚
存介甫遺像

秋日與客遊宋丞相墓

秋風著人已淒緊南山當戶轉孤聳胡為幽憂坐自纏
一上前坂望岡壘岡壘委蛇斷復連累累荒塚壓其巔
問言昔日卿與相祇今泯滅隨寒煙買文譽已斷山石
意欲功名示無極翻令後人得指數好醜毫釐不相匿
可憐役役死聲利得尚如茲失無議古人志業元有在
丈夫所歎非憔悴

勸酒

舉酒勸君君勿辭一年春好惟茲時風日暄暖啼黃鸝
澄空紺碧飛遊絲綠楊萬縷垂水湄小桃破萼嬌晴姿
今日何日風物奇花朝止有三日遲客愁頓釋如冰澌
况有佳賓酒盈卮堂上主人文章師筆下縱橫蟠蛟螭
胸中磊落載書詩年強學富仕則宜我生同里隔城堦
東髮學校聯講帷在鄉已獲繼蕭規復來郎邑分臯比
人生出處神所司千里會合非人為夷吾鮑叔心相知
交情歲晚無磷緇禮長十年兄事之在我豈止肩當隨

君顏美好我反衰自鏡醜惡知蒙俱君已有子紹裘箕
我如鳩拙巢無枝譬彼平坂天馬馳跛鼃欲與爭毫釐
上天生人意有期但貴樹植勿自墮弧矢昔已射四陸
豈得懷土生愁噫郎山在眼水清漪魚有鱖鰕菓棗梨
勸君飲酒君勿辭坐上白日西南移

司性之來郎邑勸酒一首

君來溪柳未藏鴉君去開遍溪頭花一尊未盡相逢喜
春色拋人去如此錢塘見君今十年豈知為客俱桐川

我生緣無谷口田君亦未有買山錢世間萬事戒多取
只此造物猶未許溪柳溪花尚惱人酒杯到手休嫌頻

送趙子采赴都言各路立帝師堯舜廟

趙侯嘏歎嗜駭俗開卷不作豎儒讀治道上下三千年
得失照卜如龜燭太息者六笑賈傳八事為律輕主父
每言論事在正本餘似牛毛何足數堯舜帝師萬事賴
孔孟稱述何能外子孫世昧不可封祀絕不祠事為大
宜令禮官郡立祠俾知報本有所思人臣致君必堯舜

勛業未至非臯夔使民必為堯舜民共知孝弟徐行推
刑措德洽俗自厚鳳凰覽德將來儀我言似迂衆所嗤
正欲人心鎡其基淫祠廟塔遍天下大功大德祭乃隲
氓之蚩蚩諂非鬼性善誑惑無由知皇元治具已畢張
惟此未舉寧非虧泰定聖神方御極六甲肇子開昌期
詔下四海求真言我今走陳無庸遲此行我言會有合
坐令萬世長雍熙坐令萬世長雍熙我歸耕鑿老不辭
今侯去去維其時且倒玉瓶鄞江湄

送鄭有常學錄歸括蒼

釋之因宦減仲產叔教相齊子負薪今人讀書賤此道
得官迺欲醫賤貧賤貧有命何可醫徒令內熱守自隱
鄭君三年錄昇校不辭俸薄兼官卑谷口為鄉無不可
亦復好客如當時侵疆必歸書必刻學政所知無不為
一杯輒歌寫清琴金石殷殷留林池有子讀書夜連曉
從我問學窮毫釐不為乃翁坐此困但知固守為裘箕
自君高曾擢科第官學雖顯生事微君家訓飭用何法

子孫能爾承前徽白下衣冠送將歸使我停杯有所思
我分堇荼甘如飴願言千里同襟期

送李壽父赴崇德州提控案牘

雪消新晴春水借舟發秦淮健如馬平生知己盡清流
出郭送君空白下君家兄弟真無比不數當年有三李
元方治行今第一過家上塚暫歸里肯令難弟離侍傍
活人要出囊中方秋風不復動歸思得官正在鱸魚鄉
陪王明府禱雨鎮山同諸友訪正氏隱居

羲和行日當午停旱雲不雨空鞭霆扇搖無風腕欲脫
六合為窑難逃形偶到君家非有意忽得水竹涵清冷
解衣盤礴不忍去况有佳客來聯翩更喜主人能愛客
枕簟招邀入林垆冰盤夏實雜水陸不覺牆角屢倒瓶
可憐俗子走聲利紛紛有若蛾赴熒廣寒閭風豈有隔
置身瀟爽由心局

送溧陽同知杜君正攝江寧令二月還任

魯叟相事僅行攝國內大治消三月官無掣肘皆可為

豈問趙魏與滕薛杜侯攝令兩月留撫字得民聲實流
略用法稱父母妙割游刃無鷄牛彈琴戴星今孰優
問誰能識陳太丘

甲申送鄭榮卿都目得代歸桐汭

憶我昔年教郎川得事邑宰王公賢公用絃歌化文法
躬率縣曹來講筵鄭公時為公所器誦書炙輶方少年
我歸敝廬既得謝君忽來官甬水邊乍見驚問始相識
君鬢已白我皤然一別歲閱四十五論新道舊如目前

僉憲又見王公子歎君尚淹心甚憐市舶幕長欣代去
竟歸桐汭便著鞭犀珠磊落守舶法三年不嫌無一錢
家住三峯雨新過白酒黃雞秋正妍仕求稱職不在大
任大責重憂所纏存心濟物亦易及日所為事可告天
出處惟求兩無愧願君守此彌貞堅此別再見知何時
病不得送徒悵悵我多故人在桐汭為言耕讀早歸田

桐川三峯歌次劉教授韻

秦漢海上求蓬萊方士一去不復回三山元只在人間

蔽匿雲霧不為開萬騎南遊上秦望乃獨遺此何為哉此
山迢遞東南來勢至桐汭為低徊三峯雄秀插天半下視
培塿皆陪臺此山峩然如三皇初議制作陳尊壘此山澤
民如三后調燮雨暘符三台或疑女媧煉色石補天功成
遺餘材又疑張騫使河源歸囊相載多奇瑰河流衝決流
至此不爾何為洗濯瑩淨無塵埃使我有疑不能決欲語
神怪非吾儕安得辨口如齊諧劉公胃中有丘壑酒酣筆
下寫此磊塊懷我欲繼作豈其敵語險韻絕如懸崖

送林叔瑜

髯林三年客楚尾食其僮僕聊相似有時取酒聽其談
抵掌掀髯殊可喜攜書挈劍別我去問言未遇且蓬累
未要上書自薦達也未鹿門攜妻子但謀祭竈請比鄰
鬪雞走狗隨閭里我謂君言也大奇我亦起柁歸鄞水
二月一日與王良夫飲潘子玉園見梅花新發
與桃花爭妍再次前韻賦所怪

物隨氣質性乃殊各守爾性非自拘梅開本與春風避

下視桃李賤且疎忽逐桃開失其性有此怪事史宜書
豈梅亦隨蕭艾化肯赴姿媚以相娛不思貞操獨秉太
古初託根分在冰雪壚縱使孤高不為俗所趨丈人行
尊意儘舒如士一旦改素節心已慕羶厭茹蔬使我長
歌擊破壺梅兮名存非吾徒

贈墨客林松泉

李墨黃金兩相直世無潘谷誰解識林家得法亦有名
試磨石堅光點漆我無論古垂不朽却愛此墨可傳久

儻書自鬻牘三千何似珍藏七十九

次道心六月六日雨韻

歲六月首五月尾得雨如金寧是水今年六月六日雨
陰雲周匝遍田里四明野客喜欲顛不道此間無我田
寄食乞漿要得酒也應易度龍蛇年去年縣官免租簿
夏秋苦旱春苦雨今年一飽斷可期流民已盡歸鄉土
問余何事不歸家十年飄泊來天涯此日不歸歸便得
不曾題柱要乘車

建平邑庠堂後古梅久困斬伐同王明府賦

槎牙堂後梅鬱鬱含早春託根已得所植茲泮水濱能
愛此樹一何少斧斤斬伐從比隣條梅已盡根榦存况
此憔悴誰復珍我願爾為禹廟之梁勿作爨人之薪君
不見爨人無知蔡邕死禹廟之梁為龍變化如鬼神能
興雨澤霑時人

代人送徹爾戶

將軍少學萬人敵書記姓名亦謾讀曾隨博望探河源

遠將樓船從楊僕手提玉龍不顧身辛苦成功收爵祿
天下至治息五兵今為君王護北平去年來戍郎水上
秋毫不犯號令明身同甘苦士卒樂坐使境內消姦萌
每得相從出射獵往往驅馳騁驍捷身輕一鳥草上飛
弦響雙鴻手隨接衢歌野舞同醉醒日暮歸來心未愜
瓜期忽及回桐川送車百兩聲喧闐津亭把酒別我去
天寒積雪千山連何時合并有此樂離心翻繞風中旂
與史祥叟別分和杜詩一首余得白鳧行

君不見造物戲人如兒童遺爾百憂看成翁人生只同
蟻旋磨擾擾誰能出其中行未萬里豈為別丈夫慎勿
悲西東陰雲散盡日弄影明朝一棹隨春風

乙未閏四月十日余宿東溪朱家得夢異其覺
而書之

夢行溪上遇一翁方瞳白髮兩頰紅踞坐磐石蔭長松
問之不答耳若聾余不敢退禮愈恭久之顧我言始雍
笑指太白之高峯我將引汝遊其中余前謝翁惟翁從

翁即前行如飄風山磴險絕杳莫通余急憩坐氣如虹
翁乃回視責我慵余復勉強行躑躑漸見佳樹聳青葱
石間流泉響淙淙謂翁此境已奇絕何必辛苦登高崇
翁即笑我所志庸行行力倦憂心忡忽見地平岩玲瓏
靈芝煜煜紫氣籠瓊林杳靄雲溶溶樂聲遠聞鳴球鐘
異香縹緲來虛空頃刻萬變難形容余乃感激前謝翁
匪翁安得登此中翁復呼曰來汝童我因教汝汝聽聰
用力憚勞無全功見小忘大道莫窮汝年甚少勗汝躬

再拜受教復謝翁請以斯語銘心胷送余下山余別翁
回首視之杳無蹤我言茲夢誠冥蒙書之以俟巫咸降
安宰特開宴賞花分韻得杏字

飄砌曉見風落梅灑簷夜聽雨催杏柳枝著水初垂垂
梨花照牕方罔罔杖藜亦欲追少年酒杯不醉發深省
大陶山色萬古春青眼相看還首肯

上完顏僉事

我聞麒麟與鳳凰舉世皆指為嘉祥又聞古今所共寶

荆璆垂棘與夜光有則爭欲快先覩不識遺恨心悵悵
我言此物雖足珍求其實用無毫芒上天生賢誠更奇
尊主庇民邦乃昌達則伊周窮孔孟豈此數物可比方
聲華煜煜東臯公攬轡澄清振臺綱明燭奸胥膽欲落
仁風沾被蘇疲氓腐儒讀書守窮山欲見未遂徒彷徨
攝敝衣冠見侯
羸傳拜牀下願聞一言鍼膏肓麟鳳珠璧縱
不識此心滿足無所望

送楊友直赴刑部主事

君不見疾惡如風朱伯厚車如鷄棲馬如狗又不見政
無所避桓御史京師畏之行且止二公高節照千古曹
李厭厭誰汝數上天為國篤生德清白吏後發友直平
生讀書師伯起今却四知先盡已事不見人惟見理非
即曰非是曰是嚴不為酷寬不弛二十餘年任風紀百
鍊不作柔繞指恥為瓦全寧玉毀含沙射影從戴鬼道
在終然直如矢彙征果見登君子君材豈止宜作士盡
職春官亦如此

送浙東帥閻都事宋公代滿還鄉

廣平大節堅鐵石開元相業昭今昔子京修史筆扛鼎
歐陽相推何敢易家聲奕葉久濟美篤生我公當盛世
弱冠柔翰步玉堂卓犖不負讀書志石渠白虎講羣經
持橐從容侍天子厭直承明佐雄藩南探禹穴觀海水
文事武備際昇平古來從軍本云樂萬竈貔貅我所監
月淡秋城夜鳴柝威行九夷皮卉外仁宣七郡民社間
置酒高會甘海錯挂笏爽氣看西山三年談笑了青油

旄倪攀臥苦難留勿笑歸裝只舊書還作中朝第一流
送金仲相赴建平幕

橫山之西麻姑東平岡斷續如遊龍水出桐汭會白石
卽步臨流邑其中桑麻沃野三萬戶民俗儉樸無澆風
讀書竹屋夜達旦諸老文會猶從容東巖賢宰力興學
賤子倚席慚無功回首三紀事已非久聞凋敝多空窮
四明金君儒飾吏三郡掾吏名聲隆案牘如山能立剖
萬事不理須胡公撫字正賴用寬和流徙會見歸耕農

縣幕得人我為喜已報交友馳書簡父老迎君如問我
為言白首行龍鍾

行春詞

春來十日九日雨對酒十日九日愁有酒須快飲春晴
須日遊君看當戶桃昨日花蘂何嬌嬈今日衆蘂盡灼
灼昨日開者已零落人無百年壽賤苦欲貴貧欲富世
上得意能幾人坐令役役自苦辛赤松子王子喬神仙
路邈不可招身在塵世誰能逃有酒須快飲春晴須日

遊不飲不遊將何求朱顏綠鬢去不留

送敬叔兄之建平

城南城北花草香客子舉袂風揚揚黃塵蔽天車輪遠
白日照地離草長孤鴻高翔避寒暑羣雀低飛謀稻粱
兩渡吳江弄舟楫乾坤日月浮滄浪

次季孟賓題趙伯畿仲元兄弟怡雲亭韻

公子席珍久家食手不停披硯長濕門開簾捲即西湖
湖上煙鬟作屏立復事幽討寄清豪山椒小築寧辭勞

君家兄弟真聯璧
怡怡杖屨來遊遨
白雲千變是朝暮
雲出雲歸似知處
看雲隨人各有得
怡悅既久同成趣
更愛屋不礙雲山
主人心與雲俱閒
此心此屋俱是雲
從人遠向雲外觀

碧筒飲轉語一首

注云六月二十二日同諸公
為避暑飲臨荷池取荷為杯

故名

池上六月避暑飲池荷萬柄濯雲錦
座客洒落無老兵
盤羞錯陳輕侯鯖
飲客但取荷為杯
有客未許餅恥壘

豈但藕婢沈疴全也知花任真人眠原製衣裳人獨醒
白戀鐺杓意乃冥黃流在中圭瓚盛玉露初下銅盤擎
月華漾漾墜碧波天光耿耿明銀河滿盈如戒歌器偏
古朴直想杯飲前願與下民鍼膏肓安得上池見壁牆
事屬真宰有前定池未秋風且中聖聊爾為樂意勿有
如荷盛酒不濕酒

次王伯循御史冬十月韻

枯梢無影月在地北風自語時為冬橘熟寒洲艘集賈

稻棲南畝肩頰農江南薦灾尚寥落敗屋逃亡眼誰著
繡衣御史天上來何當一使春意回

倪侯守濠州泰定四年夏產瑞麥自一莖兩穗

至五穗

侯名顗
字廷簡

君不見貞觀十歲濠州野蠶成繭為唐瑞距今為歲六
百八十九復產瑞麥一莖二穗至五穗泰定聖神方御
極慎選守令司撫字茲州承宣實倪侯庶富而教心戶
至田里熙熙致氣和示此嘉祥見天意治先使民不饑

寒蠶麥為瑞固同地不數朱草與靈芝肯比醴泉及連
理漁陽之歌未足多陝虢所進差可擬唐叔得禾既云
書所紀倪侯何不獻天子只恐功大心轉小却退祥瑞
書災異

送王正卿錄事紹興

錄事昔為郡督郵今代所職城內令得人宜若陽道州
撫字心勞是其政我知王君已十年廉公忠孝咸稱賢
會稽趙范所過化風俗禮樂猶依然弦歌妙割無鷄牛

來莫真令有襦袴最是老叟識劉寵他日走送還如故

壽東巖

昔年嘗讀三星詩月宿南斗生退之子瞻之生還如斯
二子所以踵武遙相追天之生公也太奇公生之辰復
值茲學行節槩久自持不能諧俗亦類二子之所為建
平之政我所知黑白是視勇奮揮豪右喘若竹筒吹精
金百煉色不移願公益勵勿自疑但視二子在當時我
亦日夜祝公富且貴氣勢要薦樊宗師正卿期分買山

賢


壽趙中丞

夾鍾初吹夏月季庚金伏火日涉二上相鍾茲清淑氣
高材絕識生特異置諸臺端使宅揆萬事欲理問伯始
繩直準平方圓至十道儀刑在茲視功名富貴非公志
一夫不獲謂由己仁者必壽此其理一身五福宜俱備

壽洪宣尉

使節煌煌蒞江國闔郡歡迎走城驛此地實公舊所治

郡人猶能誦公德重來回首二十年岸柳江梅有佳色
政從一郡遍江南願早普為天下澤存心濟物天祈福
長年富貴何須祝



欽定四庫全書

集部
畏齋集卷二

詳校官中書

臣徐志晉

侍讀臣孫球覆勘

謄錄舉人臣范翔集

欽定四庫全書

畏齋集卷二

元 程端禮 撰

五言律詩

春日

年少逢春日歡呼喜欲狂
隨人折花柳約伴釣池塘
三十忽在眼萬愁摧我腸
祇今春日至轉覺意茫茫

送王季方入都

美王良金質忠臣孝子門
才名推賈誼學行得何蕃
胸

次涵千古毫端吐萬言朔南從此別文酒會重論

一夕夢與人賦詩得前四句因有所感遂足成
之

計世身何拙談經舌尚存三年從閣老一飯識君恩水
竹溪邊碓山花舍後園老親頭雪白稚子候柴門

次杜彥通韻送唐漢卿司丞得代歸燕

學問涵天祿家聲著栢臺鹽車行峻坂驥足見高材詩
思看花去歸程伴鴈回會言民力困田里得眉開

挽阮申之縣尹

官淹六載久仁浹萬家深境絕石壕吏堂清單父琴云
亡昧天意走哭見民心安得百元結令子淚不禁

送項伯晉歸台之仙居

泮水師經術侯門禮上賓霞城動歸興藜杖及新春住
占神仙宅行知來往津君歸憑問訊吾亦此山人

客中看月得吹字

郎川今夜月客子獨看時光彩明纖末鄉關苦蔽虧驚

鳥難自定短笛且休吹漂泊疑非我尊前舞為誰

潯施

有事潯施古為川浸迄今蕭王水渡急馮異飯恩深浪
洶驚胡馬星搖見嶽岑同舟欣既濟得句慰歸心

寄單幕王三通叟

詩酒別離後寂寥今年十年逢迎長自失衰晚復誰憐虎
鼠遭時異龍猪得路偏故人輿論許風格稱紅蓮

年少各輕別相望今兩翁聯吟無客與把酒待君同梁

苑花陪雪隋隄鴈趁風坐尋南北意流落半生中

諸將

諸將威嚴少三軍部伍繁追求無隙地慟哭有千村天下歸仁政今朝仰至尊共傳寬大詔早晚到黎元

寄王仲肅三首

好在王經歷邦人說下車指麾清案牘談笑到詩書曉幕香迎馬春閨食薦魚大刀煩寄贈心折憶吾廬

聞說西京學金源舊制存兩公違配享列坐失常尊藩

府多才彥宮牆入討論勒銘須大手不朽在功言

莫怪音書少雲中使到稀愁邊成悵望夢裏想容輝鐵
騎通南徼江鴻困北飛濁醪聊自遣一醉解春衣

寄張伯任

羨殺羊羔酒城南吏隱家攢眉哦柳絮呵手看梅花官
給桃花米鄰分薄荷茶誰憐山寨吏冷廟作官衙

留飲城南寄漢翔諸君子

盡以思親恨裁成寄遠詩墨濃多是淚語苦不勝悲桐

影風清處楓林月上時向來迎送地經過幾相思

丁丑正月四日縣尉陳子淵見招司理黃仲翬
處士謝彥實州判葉敬常同會仲翬有作次韻

二首

老逢人日至喜見泰階平酒借衰顏渥梅欺素髮明惟
知飲文字不復計盃行豈但燭頻繼兼煩僕屢更

醵酒供春酌新詩換舊題巧聞禽語變黃見柳容齊遊
但隨藜杖貧從乏裹蹠招邀話耕讀近在村東西

睦士何聲伯管庫於鉛山友朋多言其才美余
於歲暮方以得見為喜又惜其去作詩以送之
讀經還讀律為吏本為儒管庫官能富大夫才豈無窮
冬催日短朔吹吼枝枯誰念客衣薄忍令田園蕪

歸鳥

憐爾甚微細猶能有識知知尋舊巢處不失暮歸時飲
啄樂終日依棲足一枝人生真爾媿役役竟何為

丙午代人送頓尉九首

職卑兼邑小之子獨聲名僧孺官誰羨張綱志欲行涼
風關塞靜秋水江湖清塵土何曾浣還家尚濯纓

作尉建平縣讀書郎水傍萬家開外戶匹馬放斜陽渤
海無佩犢沈猶慙飲羊三年為政促他日去思長

黎老送迎熟君行獨嘆嗟此心無一寸遺德及千家佳
識符灘鴻雄篇奏鏌鉞斯人未易識悃悞更無華

前有王明府于今見頓公建平三十載清節兩人同雅
量從忠厚高才喜事功所存雖小異俱有古人風

維舟張祖帳秋水色粼粼行李離南紀殊恩出北宸難
忘前日政愁殺去思人搖落郊原靜不堪回首頻

建平頓縣尉善政返淳風四野牛羊被三年圉圉空何
修能致此不欲是為功流俗輕吾輩真儒見此公

三年郎水尉善政起疲民小邑淹黃綬高名動紫宸滿
塗旗獵獵把盞酒頻頻雲路瞻佳士柴門任此身

昔日頓夫子金沙識又成西風動行李北斗帶京城烏
府標孤映青驄會衆驚三年遺愛在回首一含情

郎水三載尉又見送君行政事原儒術功名屬老成律
回燕谷暖冰置玉壺清舟發金沙驛西臺聽一鳴

念舊

淮漢終然別風霜未肯休阮公渾得醉賈傅謾深愁白
鴈來何莫黃柑美易求且隨辭越艇兼泛逐波鷗
粗糲從吾賤金珠付汝求詩書江左客日月海東州城
暗枝枝柳波明對對鷗舉杯時事改慘淡一登樓

晚眺

漠漠復漠漠魚龍氣吐成江風吹欲斷沙日暝還生遠
著浦帆濕低連烟樹平滄浪垂釣者對此愜幽情

新竹

月地添竹影風林帶籜聲白非綠粉浣節本挾霜清未
怯翠袖薄永偕朱鳳情何當老嶰谷也作黃鐘鳴

大雲寺

修竹藏低屋高峰擁大雲深居無客至幽意與誰分梅
蘂添僧臘苔痕寫梵文夜來山犬吠庭葉落紛紛

挽靜齋邢公二首

自獻河汾策言歸甫里居時危聞善善身潔去舒舒子
弟教惟謹琴書樂有餘使公為將相較此謂何如

昔有黃承事功歆紫府君今公緣賑恤戮力事耕耘獨
行哀榮備諸郎仕學聞誰言天道遠報德已殷勤

送疊山書院山長吳嶼南

德不患孤立有鄰言豈欺故令酌泉後來奉餓夫祠節
義存千古榮華止暫時人生無以異泯滅竟誰知

次林敬與山長韻

歸田無廢祀堂構有藏經此事真難紀何人與勒銘即
山徵李渤投刃見庖丁泛泛隨時者何殊水上萍

送王君實都事赴內臺御史

久簡王祥孝兼思汲黯忠聖明無闕事繩糾趣居中風
正一帆速霜清萬宇同從容前席問為述細民窮

春雨

日日春櫪雨飛飛不肯晴天方爲生物吾特阻遊情委

砌花何重銜泥燕自輕猶驚夜來夢身在隴頭耕

壽趙中丞迂軒

為國生賢佐今朝孕上台清風儀十道鉅德冠三臺酒
帶荷香舉筵隨水曲開神仙公便是何處覓蓬萊

今日生申甫熙朝位上公浮雲任舒卷喬嶽自尊崇豈
弟膺多福神明簡大忠蘭臺中執法十道仰高風

壽判官吳大任二首

十一月二日

治平期第一通守職為難今日酌泉操從人解組看已

同陽獨復未學陰能干會見臨雍拜何庸數李桓
志士慕前修何曾與俗謀讀書三十乘種橘一千頭華
炬明瑤席春蟾浸玉舟主人趣為具佳客為淹留

代諸生壽王豈岩父仁齋

燈火萬芙蓉賓歡聲百觚商巖遲相夢魯國獨真儒絃
誦期成俗慎修為永圖紛紛求福者誰解適茲途

五言排律

送陳希靜四明學官任滿三十韻

賤子東歸日陳侯北上時盍簪寧恨晚傾蓋已相知德
似太丘長文如右拾遺鳳飛離丹穴鵬徙志天池久抱
一鳴願殊愆六月期江湖成汗漫歲月委班資賦擬天
台作山看赤堇竒鄭虔官固冷鄧禹志非卑久矣文風
墜嗟哉士習移渠渠空夏屋瑣瑣競刀錐子弟多無賴
典型誰復師斯文終未喪識者有餘悲輿論歸常袞諸
生得翼之大鏞從扣擊弘璧敢瑕疵端使驕吝失真難
世俗窺量同黃叔度權避庾元規門有問竒客書無乞

米辭琴從子期聽吟和敬輿詩管邴誰云遠陳雷豈過
斯風霜雙鬢改薪水一童羸寂寞人難處迢遙志自夷
京城連北斗心跡滯南陲落木仍多感驪駒動去思衣
冠塞郭出舟楫與風宜仲舉志仍在元龍氣未衰才猷
從此展富貴恐難辭志豈關榮悴名期不磷緇顧余誠
淺薄揆分合棲遲騏驥方開道駑駘敢共馳直當三舍
退何止兩交綏

挽倪濟亭

我返草廬日君開花筵時坐盈文舉客筆快正平思弱
藥扶丹架圓荷颭碧漪按歌禽自舞行酒客忘疲樂飲
心無醉終筵禮不虧當時勤置驛子美共襟期高墅且
賓主謝墩從去來隱廬居甫定賦鵬識先知風颯銘旌
遠雲低宰木滋空餘行樂地遊客有餘悲

挽李德甫宣慰

干莫為時寶璵璠比德溫班資安序進名實致孤騫賑
恤明荒政弦歌正化源親民勞撫字敬獄務平反閭寄

七州重官踰五馬尊門閭宜寢大蘭玉已先繁束帛行
加璧從珍方乞言輕彊踏泉石休致樂丘園有夢俄呼
起無香可返魂哲人嗟殄瘁通國淚潺湲

次浙東宣帥府開閩楊外郎韻

聖世車書混仁涵覆載中大酺歡郡國重譯走蠻戎航
海南金重堆盤火齊紅懷柔深悅服智術豈牢籠威震
秋霜凜恩施愛日烘鴈猶違肅殺葵亦仰瞳矐海右三
韓外江南兩浙東漁商輕稼穡鱸莖等菁松弦誦今猶

盛衣冠昔所崇
帆檣千里集洲嶼
萬家叢人固多豪傑
材非但箭筒
太平興禮樂
武備飭刀弓
閫寄軍民重權
兼節制
隆令行
瓊建水境
拓柱標
銅跡息
鯨鯢怪聲收
風水颯祝融
猶效職
龍伯欲移宮
久似星環北
無勞檄
喻蒙麗譙
新畫角
儀羽絢華蟲
品秩參台鼎
耆英出陞
楓律身繩正
木察物鑑懸
空不擾
惟持重
原初每慮終
掾曹當代
選才彥
一時同銛利
劍新刃調和絲
應桐文
書知已
簡談笑
樂何窮
言事方捫蝨
揮絃復送鴻
陸遊

首鄆鄆水泛即瀛蓬
島負仙靈託窓開日月通霞城人
境異台嶺客心忡
橋滑足難躡泉驚耳願聾穴傳藏夏
后鼓說殷靈霞秦望碑銘古蘭亭筆札工
西堂池草句
百里藕花蓬鴈蕩長雲羃龍湫自雨濛
湖驚屹石瀑
布瀉流虹羊角排山岫龍鬚比隰紅
石靈歸洛子柯爛
遇棊童太末垂名舊徐王布德洪雙溪吟已絕
四井論
非公牧去思黃氏遊來記葛翁江山遺跡在田里
屬年
豐勝極詩添興清豪酒有功夜舟蟾晶晶春履草
芄芃

爲赴宣風便寧虧報國忠下看文法吏相遠馬牛風布
鞵遊方始蒲輪召莫勿愛山生似渴吞海覺難充遇異
歸休念聞竒訪必躬新遊呼賤子一起豁昏矇顧我材
無取登高志頗雄諸公如授簡會使剡籐穹

挽楊處士

上饒楊處士名自孝親聞濟險婁師德躬行萬石君貸
饑頻折券教族總能文重肉因賓客荒田必自分倚樓
從白首送子上青雲迎養人俱羨平反色始欣看山食

爽氣遺世絕塵氛君死無可憾名章已勒墳

壽趙平章

六月初三日

太平端有象生哲應昌期學究天人際才兼文武資誠
心開白日直節比朱絲居有詩書樂行無琴鶴隨周程
傳道派韓柳讓文詞動靜心能定毫釐事不疑人材深
愛惜民瘼極憂思霜雪威從至松筠色莫移累朝承寵
渥百辟則威儀先見同著蔡元勳勒鼎彝秉鈞參上衮
執憲長中司暫出均勞佚行歸副倚毗福綏耆壽俊千

載佐雍熙

七言律詩

丁酉閏臘留杭歸別范史二兄

久客道遠日月促窮冬雨雪天地愁漢廷誰薦相如賦
客路空餘季子裘鷗鷺低飛各有獲鴻鵠遠舉將何求
世事濩落類雲變離心浩蕩隨江流

次陸紹賢客中九日次子美韻

多愁休倚酒杯寬強飲難成笑語歡短髮已如歸漢節

少年空好切雲冠
霜前白鴈能隨暖
籬下黃花巧耐寒
客路秋光元不異
與君寂寞兩相看

奉題袁御史餞行詩卷

洗冤善政浙東聞
卧雪家聲世所敦
共說范公宜御史
還思洛士俟昌言
鐵冠雄峻權無撓
栢府清高事不煩
仕宦豈須為宰相
太微執法一星尊

迎袁御史歸自南遷

虛下專權孰此容
滿朝切齒未渠攻
直臣曾借上方劍

鐵漢今聞運判鐘四罪既誅果刑措萬邦咸悅已時雍
高名竹簡垂千古聖主金甌覆九重

壬寅孟春有之劉君來自金壇示我佳章因次
韻叙客懷以謝

劉子清才過慶餘乞余佳句錦難如春風且醉新豐酒
異日看成太史書不知我署見牽馬莫為人欺輟舍魚
此意除君誰盡識男兒休歎老田廬

食薇猶言不願餘家貧未與古人如陶公歸去多憑酒

虞子愁來始著書
春老閒門驚入燕
雨過南浦見生魚
黃塵眯目客衣化
千里江山空屋廬

休與人爭腐鼠餘
百年得失定何如
浣衣應濯三江水
行世寧銷半句書
豈但守株難得兔
也知緣木止求魚
買山錢待何時足
蚤駕柴車返舊廬

春日

歌枕雨聲收碧甃
倚闌花氣襲羅衣
海棠滿院燕初到
芳草連天人未歸
時序風光還似舊
物情客意每相違

便携樽酒尋遊伴
休向空庭怨落暉

初驚春風動江國
又見春光生客愁
花藥迎晴欲灼爍
柳條映日弄輕柔
遙遙有客聯遊騎
脉脉無言獨倚樓
一片閒情何處寄
有時吹笛落滄洲

休言草木是無情
自入春來綠已成
却笑羈棲何得似
故教終日恨難平
有時楊柳樓前立
復向櫻桃樹底行
萬事浮雲那有定
一杯春酒未宜輕

舟次小直沽寄章懷諸君子

東郭棲遲雪照簷
陌頭楊柳復纖纖
惡懷思與諸公別
老鬢都從幾日添
身委風帆滄海曲
夢隨煙隼太行尖
名邦俗美前賢宅
待看紛紛起孝廉

寄呂城諸葛用中

知君家住呂城隈
八百株桑手自栽
長日讀書依玉局
何年奏賦上金臺
梅邊月照輕車去
松底雲將好句來
昭代右文天下盛
曲阿古縣故多才

寄方叔高同舍

翳庭榕樹語幽禽
雨暖三山海氣深
天外遠烽應罷警
幙中竒玩豈多尋
香凝翡翠懸朱戶
春逐鴛鴦上繡衾
黃竹故人今白髮
看雲南去重沉吟

寄吳秋山

未別愁心不可降
况今別久隔他邦
筆囊塵塞魚棲穴
土屋燈殘蝎噬窓
芸閣圖書如舊夢
梨園歌管盡新腔
思君欲寄長相憶
安得雲安尺鯉雙

遣小童歸寄山東諸君子

天街東去路迢迢南望長河水漸消客子頭顱羞攬鏡
冷官絃誦愧歌鏡眼明翠羽雲間蓋夢老黃精雪後苗
想得諸君未忘舊時時對月話良宵

暮春江郊

江上新晴春色濃間來遊伴得相從雨過遠岸桑陰合
風漾澄波日暈重幽鳥間關如學語小桃灼爍自為容
浣花溪上蘭亭路千載何人躡舊蹤

寄題韓生五雲書屋

先生家住五雲門結屋仍須號五雲天上神仙寧有種
人間富貴不同羣興來獨載稽山酒到處爭傳彭澤文
想得後園多種竹可能千畝比封君

次韻寄呈東巖宰公問赤山卜築

赤山了處水縈紆百變雲烟畫不如更有池泉煮山茗
可從硯席釣溪魚裴迪長為摩詰客孔融願讀伯喈書
人生樂事無過此何日誅茅結小廬

送陶秀才

大江西上好青山猶記扁舟一往還
翠袂小姑烟雨裏
白頭五老霧雲間
子遊仍及春風早
我夢能如昔日閒
應過柴桑懷爾祖
千年高節杳難攀

憶昔洪都與勝遊
桂花莊上共鳴騶
鎖深廢院書聲斷
劍化空函寶氣收
往事十年春夢變
斯文千古大江流
西山晴翠東湖月
可是幽人遲子留

海棠

紫絲初麗幾凭闌
穠美燒春態萬般
醉色上肌宜返照

妖妍入骨怯餘寒圓搓火齊輕填粉深染臘脂半餌丹
過眼肉紅成雪白好乘細雨試來看

東風用意出穠華濯錦江邊第一花椒蓓蒂垂新裊雨
藥珠竅仰早殮霞名標海上神仙品睡足人間富貴家
滴滴嬌紅銀燭底休論翠袖捲輕紗

送周本心

夜來飛詔下蓬瀛萬里衡雲望使星應豆駕駘閒白日
凌風老鶴徹青冥烟籠花影微微見風度車聲隱隱聽

總是長安留滯客驛邊楊柳幾回青

王元戴憲僉分案至四明過慈溪遇至日作詩

見寄次韻并呈憲副

至日咨諏豈憚勞遠貽甘酒與嘉穀日長測景添宮線
臘近看春上柳梢畫自堯夫分子半復唯顏氏得陽爻
閉關宜守先王戒不敢逢迎出近郊

送江寧縣典史陳授之

吏隱從教兩鬢斑縣稱難治贊尤難傳家清白百寮底

範我馳驅九折間道在人乎終得譽宣成官小本無患
雪消舟起秦淮拖洗眼歸看西塞山

燕倪濟亨新居

三徑經春事更新主人延客意尤真關晴花柳能迎日
得食禽魚慣近人豈但篇章壓元白也知鄉里聚荀陳
白頭江左歸猶健濁酒林中不厭頻

次趙有章韻呈道心

與君共醉墮冠簪醉墨流傳笑至今檢點故人華髮早

按行陳迹綠苔深還丹會駐千年景劫火難灰一寸心
便欲相從參肘後溪窓容我伴書琴

和鄭巡檢喜雨詩韻

民貧小邑連年旱雲密西郊盡日垂鄭守隨車何可得
董生治國亦無施作霖三日真見子占月從星謾有時
穠黍秋風樂雞酒問誰爾賜忍忘之

次劉明叟同知題遠翠亭韻二首

春盡閩關驛騎回詩成如錦不須裁長溪源潔流難混

喬嶽雲深雨易來千里瘠田輸賦久萬家安堵笑顏開
南州隨處孚仁政廊廟行收梁棟材

廿載才名塞宇寰循行江左又言還落花飛絮穿長道
古木蒼藤看四山爲是簿書乘傳急終令心事等雲間
方今安得百元結參錯端能變懦頑

送御史趙仲文赴中書左右司都事

不將琴鶴更從容家法無慚清獻風方振紀綱繩十道
又司喉舌佐三公絲綸召急墨猶濕舟楫春生水已融

定慰蒼生霖雨望駸駸揆路任方隆

送舒可道都事福建立省

至元天子正乾坤省闈曾分向七閩四海久無兵革苦
百年重見簡書新雲邊野老供丹荔幕下郎官坐繡茵
海氣東南細如霧椰瓢酒好莫霑唇

挽特進太師張真人

赤松黃石元兼學宰相神仙世有人一品無官酬道德
五朝申命見絲綸儉慈外至寧為寶明哲終能獨保身

化鶴歸來城郭是存惟冠劍總成塵

挽句容張南山壽九十四

有政宜家固已賢功名肯與世爭先
忍同公藝增三語樂過啓期虧一年
不待賜金長會客無勞作賦已歸田
坂驅九折車多覆誰似先生得自全

漫興

樹遠雲晴江水流春深草綠幽人愁
光陰如擲苦難駐志業無成真可羞
未出柴門歸興起時傾杯酒商聲謳

片心肯向塵中後一笑閒看波上鷗

新草

燒痕已沒春風到碧色初齊夜雨晴稚子鬪來誰盡識
馬蹄踏後又還生送人真是難為別得句何須待夢成
一上高樓望中國萋萋千里與煙平

次張荷屋遊錢湖韻

莫說吾鄉薄海州春來風物亦堪遊欲圖一片錢湖色
安得當年顧虎頭水暖荇香魚子散山空日靜鳥聲幽

看花忽作長安夢二十年來志未酬

送陳縣尉還吳

才高官小儘從容代去行騎御史驄尊酒吟同春夜雨
片帆歸及楝花風竟如梅福居吳市便作南昌視甬東
衰朽不堪君別我從教三選長蒿蓬

喜道心歸

千里去家為五斗兩人作客今四年鱸魚尊菜喚歸去
秋燕春鴻相後先已悟世事溪雲裏休停濁酒黃花前

遙憶建平王承事坐無我輩心悁悁

聞有達官禱濟瀆神池中出蒲萄酒一壺以賜
之者衆有詩邀余同賦

濟瀆神靈駭八區蒲萄尊酒捧文魚細看小字封題處
當是何年祭拜餘不數歐明如願婢更祈思邈活人書
忠誠移為吾君獻亦有宮壺載後車

落梅

臘後寒花始覺稠又驚香玉曉來收飛飛苦恨東風急

片片愁隨野水流，有客開尊移別樹。
何人吹笛在高樓，方當桃李爭妍日。
宜爾孤芳不肯留。

送仲巡檢

韋布金門未易登，太平無路效才能。
與埋鉛槧終身棄，寧乞君王一障乘。
桑澤盜驚先遠遁，王成民復豈虛增。
五羊政事家聲振，幕府儲賢已景升。

正月十九日王舜玉贈詩次書其韻

羈離千里逢初度，輒軻半生緣我辰。
豈但松筠分霜雪，

也知桃李占陽春有錢沽酒從田父無術觀人充國賓
塵世都非那有定一川鷗鷺自相親

謝林閨之惠瓜酒招其同飲

尊酒乍開浮臘蟻田瓜新剖瑩秋霜多愁漸覺心胸豁
煩渴能令齒頰涼貴似邵侯難自保貧如陶令趣何長
慙慙投贈無堪報幸子相過共一觴

與李雲心宿通明堰作

對酒不知身是客論詩轉覺意相親孔融下與禰衡友

鮑叔多憐管仲貧一路迴風翻巨浪滿天飛雪暗遙津
他年若自當舟楫莫忘江湖未濟人

王宰勸農覈田同留水北

劬農不倦至村村老稚歡迎笑語誼漪水大巖裨翰墨
野花幽草襯車轅樂聲遠共仁風暢旗影輕從愛日翻
三載易過郎邑在心期留與後人論

寄純齋真人

太乙真人君絕似四明狂客我何如求君辟穀長生術

拋我司空城旦書會看家家迎薊子不妨頓頓食鱸魚
細看凡骨如堪換便欲相從結草廬

有之近交純齋真人再次韻呈二公

二子丹成乞所餘問余還可悟真如老人為照青藜杖
劉向曾觀天祿書洞口時來休失路濠梁樂處定知魚
三生也是賀狂客憐我黃塵困旅廬

春雨

自入春來宜得雨肯因遊子却教晴早鶯已到林寒在

吟客不來庭草生
欄外花飛誰共酌
枕邊聲斷夢歸耕
身自不歸歸便得
一犁江上有誰爭

送海南吳巡檢棄官歸養

官向海隅乘九折
夢歸堂上奉兼珍
久知忠孝為全節
惟恨尊陽止一身
功紀鼎彝無定日
鬢添霜雪有慈親
明朝起拖還西浙
男子行藏不為人

節婦汪氏前楚國樓公五世婦也早年嫠居饑寒困苦之極守志不渝教育其孤有歐母之風

敬以詩美

松勁梅清操不如風餐雪虐事尤殊
食貧方念歐依鄭
攜幼深憂范姓朱
滿篋藏書傳有業
空機易粟任無孺
寒饑失節亡家國
羞殺人間說丈夫

贈廉訪分司五首

憲幕威嚴地位高
貪污未見已魂銷
繡衣直指風霜厲
絲轡馳驅山岳搖
玉尺直溫知盛德
冰壺瑩徹見清標
從今原隰咨諏徧
趣入中朝珥漢貂

江左溪山第一奇，煌煌星使此分輝。
柳搖春路迎絲轡，花燦晴原照繡衣。
豈樂鷹揚并虎視，要令魚躍與鳶飛。
鐵冠白筆司天憲，會見臺端便趣歸。

廉問奸貪膽自驚，持平憲幕盛賢能。
光明可比照天燭，清徹端如出壑冰。
不憚驅馳遍咨度，久知聲實已飛騰。
共稱治獄多陰德，會見于公後代興。

清才憲幕貴璠璣，寒露冰壺炯不如。
污吏望風思解組，威聲搖岳見登車。
一時豪猾心方畏，千里饑疲氣少舒。

澤物洗冤儒者事此行端不負詩書

星軺玉節下青冥一道祥刑事豈輕
白簡聲搖南紀動繡衣光照大江明
寨帷盡見民間隱持法要為天下平
自任洗冤今茂叔使華千古仰高名

代諸生壽王豈巖父仁齋

今歲欣逢兩初度留賓從此接長筵
觴浮黃菊攬重九壽似南陽軼百年
不問廣成傳道術自摩銅狄鬬清堅
五湖豈待扁舟去大隱由來只市廛

不羨人間萬戶侯，素封無事不優遊。
今年壽過陳丞相，通國人稱馬少游。
螺甲博山然永日，菊花竹葉晏清秋。
有兒有學剛岩處，文苑儒林傳定收。

一歲難逢兩誕辰，只緣九九又從新。
平生積善王承事，上坐宜推紫府君。
新酒香橙臨節序，蒼顏白髮鬪精神。
如公備福今能幾，後月休嫌舉酒頻。

年登九袞轉輕強，積善由來望此鄉。
洛下同庚皆丙午，人間佳節近重陽。
爐然沉水瑞雲吐，酒汎落英秋露香。

誰鍊還丹真得道願公乞我長生方

華髮從生臉要朱重添九九更堪娛衆賓稱壽須判醉
明日登高不用扶蘇子親觀鑄銅狄杜陵可笑把茱萸
菊花因公兩初度得得籬邊未肯數

代諸生壽王豈巖

高才絕識真難比苦學清修孰與同豈但說詩勝匡鼎
也知著論過王充千觥酒罄蒲萄綠萬朶燈敷菡萏紅
吾道極天終不墜江東教思與無窮

要須披腹有琅玕遠抱何庸與俗觀為善本期尋最樂
讀書端不為求官元宵燈火歡聲沸上古春秋壽域寬
料得如公百無慮一尊何惜侑清彈

可行未達身寧處外見浮榮守肯遷豈待當歸全遠志
從教甲子問疑年華燈夜半看齊放端月人間喜正圓
九十椿庭傳鶴算一杯家慶想欣然

年歲如公仕正強肯將美玉但深藏何曾官職癡兒了
豈似嚴君樂意長燈火漸開蓮萬朵賓朋為釐酒千觥

慶門天衍詩書澤外傳孫添弟子行

直與前修追遠業但令餘子仰高風能成父志堯夫力
克闡師傳元晦功樂善自宜躋上壽居間端不博三公
春蟾初滿花燈放豈惜開樽與客同

家世誰知善是敦故宜有子大于門篇章神助昭雲漢
經術師傳極本原照夕花燈連萬戶近人圓月在清尊
上奉椿庭幾九十讀書已下見諸孫

春日郊行二首

春來花柳惱人意日向川原至夕曛柳暗垂絲初著水
花明野火欲燒雲馬行平原芳草地棹入晴川白鳥羣
村中濁酒亦可醉林間麝香時一聞

二月常年花尚遲今年二月已芳菲且携尊酒花前醉
從教扁舟月下歸遊客最後折花去鳴蜂猶自逐人飛
光陰一去不少駐早晚重來計莫違

郊行

秋郊勢見川原闊靜戶聲聞草樹清村遠日斜歸艇急

天青雲盡去鴻明李斯難出東門獵鄭子寧甘谷口耕
世事悠悠行樂少杖藜今日未宜輕

春溪送別一首呈國瑞知事

雨長春溪送客舟一尊易盡客難留老叅戎幕貧依舊
歸過嚴灘得免羞取次岸花開不斷間關林鳥語相酬
秋風籬菊期同採休羨班超定遠侯

戊辰韓大雅自南臺掾史赴湖北憲司知事

魏公勲爲四賢冠吏部文興八代衰誰似高才輔家學

肯留南紀滯明時
秦淮烟水蘭舟發
黃鶴梅花玉笛吹
憲府清高少公事
休因崔顥不題詩

送巡綽官汪仲罕知事還衢

棘闥深向浙江開
喜得三衢幕客來
遠舍珮聲秋宛轉
隔簾花影晚徘徊
羣公共說青雲器
丞相親分白玉杯
遍寫新詩寄鄉里
驛亭候吏莫相催

辛酉六月二日壽趙迂軒學士

海內蒼生心屬望
朝端元老禮方隆
共知貧似韓宣子

未許閒如裴晉公竹葉清尊能却暑紅蓮白羽自搖風
他年得謝身康健會入耆英保社中

柱石邦家豈偶然貞元會合篤生賢掄才人實斗南一
執法身爲天下先自是慈仁能備福不因導引得長年
清溪九曲幽居勝他日耆英作畫傳

潞國功名增耿介汾陽事業更文章試於今日聽清論
誰得如公備福長壽酒滿斟欣轉健斑衣戲舞愛成行
清溪九曲仙凡隔水竹圍亭六月涼

富貴功名不待言詩書禮樂子孫蕃
歐曾制作無浮靡
關洛推明極本原分陝三年有琴鶴
移居九曲為溪園
奉觴稱壽配顏喜不惜頻開竹底尊

天開昌運會明良崧嶽生賢任棟梁
為相何曾數房杜
致君直欲邁虞唐清溪九曲紅塵隔
壽酒千觥白日長
豈但階庭多綵戲已看朝罷笏盈牀

累朝勲業見丹心經濟宏材冠古今
愛士力扶名教重
憂民惟恐吏文深希文心事千年在
伯厚聲名十道欽

他日清溪為綠野角巾強健足幽尋

壽潘溪隱老子

赤山桐水成真隱秦望錢塘想舊遊萬衆詞場收勝捷
三朝宦業著聲猷主賓歡笑千觥酒松菊清妍滿逕秋
肘後有方應得力百年身健炯雙眸

僕卧雪建平客舍起已卓午忽憶仁父宰公初
度急走為壽歌鄙句以侑觴次日錄呈爲他年
重會一笑

手推劉寵送行錢只取新詞換管絃酒接長筵先獻頌
臘餘七日已添年鷁舟凍解行千里鳳詔春新下九天
單父政成身始暇去年星駕稅桑田

五言絕句

次陳季綽漫興十首

海內宗文體寧淹教一州未應如表聖那即賦宜休
愛酒同元亮為文易子山方如六月息未許一身閒
地僻使人懶時移動客情水流無凍跡禽語有春聲

萬事難前定逃藏有醉鄉
心情如老婦恥學少年妝
已恨耕桑晚難徼筆硯
靈從人誇詭遇何得背遺經
匡濟非吾任淹留豈此心
春來歸夢切夜夜繞山林
文章真小技鏤畫俾形臞
卜祝容司馬班超恥事儒
世人矜少得失意即驚呼
茲病為難治莊生是扁臯
倦客懷農圃方知樂事濃
林醪會鄰里社鼓響葵葵
時方事誇奪君獨不隨人
此意誰能識嗟嗟勿重陳

六言絕句

送衛真人暫歸茅山

郎水沿流泛艇豐園倚榭題詩百年此樂有幾回首已
覺堪思

解賦石鼎雪車才如彌明劉義問君今歸何處笑指白
雲吾家

孤鶴遐踪矯矯馭風歸袖披披許我共餐昌歎五月五
日期師

題商學士為陳仲剛作澄江圖

卷二
江南水濶天低目極波
白晶煙微閣老為誰肯寫玉堂有
客思歸

七言絕句

題強弘之少府枯木竹石圖

霜木棱棱踞盤石
風篁嫋嫋搖清秋
王孫落筆妙天下
前輩不數文湖州

題出洞羅漢圖

羅漢相傳五百人
人人渡海用精神
應真事跡誰親見

筆本龍眠自足珍

潘伯勉以余得女見賀次韻謝之

中歲有女差勝無他時得力知何如
陶兒倘不喜紙筆班女或能成史書

送客

坂路威夷車百兩晴花爛熳酒千觴
野鷗似惜征人別岸柳不知離思長

寄馮彥思

一別馮君二十秋，十書九說欲東遊。
為君准擬遊湖棹，先入明州次越州。

寄俞季友

子也才高又妙年，自宜獻賦上甘泉。
雍陽客舍多明月，詩到春來有幾篇。

山雪都消水見沙，滿城桃李欲開花。
青衫白髮東風裡，南信初通倍憶家。

寄熊原翁

自笑將軍不值錢
學書學劍兩茫然
今朝却走豐城道
回首橫岡十九年

江上書來慰舊遊
新詩滿紙不勝愁
篝燈照壁元無寐
又聽疎鐘起寺樓

志道齋前芹草春
游思閣下桂華新
滿頭白髮非前日
祇有丹心向古人

潛江孔陽不可見
黃家湖頭君讀書
不辭入邑扣齋閣
徑買小舟歸釣魚

寄宣生

寄語宣生好讀書日長樓館小窓虛
他時落筆生風雨何恨腰懸玉帶魚

作家書寄方伯異三絕句

曲尺塢中看止水雞籠尖上望遙天
平生多少經邦策却與揚雄草太玄

丹頰無光白髮繁朝朝騎馬入橋門
誰知一片思鄉夢長在江南野水村

侯家女欲嫁官人不料文章是告身何似癡呆田舍子
春來耕餉自如賓

寄莘生三絕

莘也神清機事疎吟詩增瘦要人扶看來自是風蟬質
肯作塵埃葉底枯

念爾才名百未能只宜辛苦向書燈他年縱不成梁棟
也勝空林掛樹藤

去年筆勢喜翩翩將謂名駒不受鞭怪得近來無一字

定應癡懶墮狂顛

寄都水經歷月彥明并東仲禮監丞三絕句

遙望蓬萊海上山五雲樓閣在中間仙人借我三珠鶴
海濶風高去却還

廟堂近日進阿衡四海謳歌荷聖明都水幙官才最盛
定裁封事報河清

行河使者幾時迴喜得平安近信來滿面黃埃休自歎
潼關西去是烏臺

寄鮑仲安

客路新年風雨多
歸心轉切奈愁何
故人忽送梅花信
裹飯相求意已過

春入靈山草樹新
種花繞屋不勝春
飄零江海成何事
強起裁詩謝故人

十里溪山接郡城
籃輿時作傍溪行
城中塵土迷人目
鄭子書堂滿意清

宿回溪望守村寄朱延年

竹邊兩讀寄來詩恨不臨風舉一卮十里溪山華屋近
舟行淺水馬難騎

碧樹朱樓一逕斜路人猶指省元家門前不著閒車馬
石磴蒼苔翳落花

遠樹重陰長似雨深山積潤易生雲短衣射虎成何事
青竹題詩謾寄君

寄令狐素行

問政春深啼杜鵑渚湖風暖木蘭船梅花不寄江南信

詩到於今又幾篇

唐人病馬圖

志存千里困羈縻此病奚官豈解醫
翻恨不如羣馬舞
銜盃自效太平時

陽關圖

輞川詩句龍眠畫畫出詩中腸斷聲
疆域今窮天所覆
出關還似入關情

和史信父晚步

西楚東吳倦去來客衣三歲化黃埃蒼煙翠木斜陽裏
長憶田園杖策回

贈士峻峯

但問我辰求富貴不憑天理定窮通
憧憧舉世已成俗誰落簞瓢陋巷中

江邊閒步

秋花寂寂草芊芊野色團春帶薄煙
蜀阜山前江岸側分明認得魏家船

城上閒步

城上寒梅白雪花
城邊嫩柳黃金芽
平林望盡意不盡
回首城西日欲斜

萬里雲歸雨意醒
城頭花草弄春晴
欲歌風物無才思
更約諸公載酒行

春入園林意氣清
花紅柳綠鬪新晴
城頭望斷天涯路
城外黃鶯一兩聲

出池陽城南抵石門莊奉次可庭長老見貽韻

芙蓉城下且徘徊天遣看山向此來最是曉雲知客意
九峰一一為余開


齊山積雪鴈初時更勝當年杜牧詩僕已水濱余木末
日斜猶恨欠行遲

山到石門那得路龍灣水倒注山根老禪袖却運斤手
只使詩無斧鑿痕

題高彥敬青山白雲圖

中州方岳岱為宗誰寫巍巍第一峰膚寸雲生雨天下

何曾有意為乾封



| | | | | | | | |
|--|--|--|--|--|--|--|--|
| | | | | | | | |
|--|--|--|--|--|--|--|--|